

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№9(122)сентябрь 2009г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / рамазан 1430 г. Багъа 15 къуруш

НУШАЛА ДИН

ТаравихІла дехІибала

Рабазан базлизир дирути суннатла дехібайс таравихІла бикІар, сарира хъатила (гішаъла) дехібайс гІергъи дирути. Рабазан базла цаэсил дугилизир дехідихъили, ил базла бегІла гІергъиси дугилизир тамандиру. ТаравихІла дехібала мижитлар жамигІятличил дарх даралли, дурхъали дирар, мижитла укъес имкан агара биалли, яра мижитлаб жамигІят хІебиалли, илди хъулир вегІла хъалибаргличил, унрубачил дарх диру, илкъяйдара дарес вирули хІейъалли, цайлира дарес асубиарар.



Имѣалин таравихІла дехібала 8 ракагІятла диру: кІикІел ракагІятла авдехІ дехібала, амма 20 ракагІят дарес дурхъали бирар. Идбагли ❁ цацахІели 20 ракагІятла, цацахІели 8 ракагІятла дири.

ТаравихІла дехібала дарили гІергъи, 3 ракагІятла (2 ракагІят цайнайс, 1 ракагІят кІинайс) витрула дехібала диру.

ТаравихІла дехІибала дируси жура

ТаравихІла дехібала кІикІел ракагІятла авдехІ яра веѣдехІ сари, чузирра гъар дехіба гъаларра гІеларра дучІути балгнира лер. (Илди балгни удир чедиахъули лер).

- 1) Хъатила (гішаъла) дехібала дарили гІергъи бучІа балга (дугІя) № 1.
- 2) ТаравихІла цаиэсти дехібала диру.
- 3) БучІа балга № 1.
- 4) ТаравихІла кІиэсти дехібала диру.
- 5) БучІа балга № 2 ва № 1.
- 6) ТаравихІла хІябъэсти дехібала диру.
- 7) БучІа балга № 1.
- 8) ТаравихІла авъэсти дехібала диру.
- 9) БучІа балга № 2 ва № 1.
- 10) Витрула 2 ракагІятла дехібала диру.
- 11) БучІа балга № 1.
- 12) Витрула 1 ракагІятла дехібала диру.
- 13) БучІа балга № 3.

➤➤7

ДУРХЪАТИ ХАЛИФУНИ

Хаттаб аль Фарукъла урши дурхъаси Гумар асхІяб ﷺ

Адуцалала ва хІялимдешла шайчив гІибратли кІиэсил халиф сайри дурхъаси Гумар (Аллагъли дурхъаварабну сай). Аллагъла Вакилла ❁ гъуни даимбарили, сегъунтипра гІяйиб-хатІа агарли, хІялал-залалли гІямру деркІниличил ва Исламлизив цархІилтас гІибратли ветаъниличил машгурдеш сархибсири илини. Дурхъаси Гумар, Исламла динничи бирхауди сархайчи, селалра ва чилалра авара, я чичилра уркѣцѣ агарси (джагъилий) манзилла, гІярабунала жамигІятла вакил вирусире. Я илис цархІилтала ихтиу ртала сегъунсилра авара бируси ахІенри. Ил гъала уркІилизир пархбухъунси динна хІекъдешла шалали ил таманни варсвариб, ил пасихІси, цархІилтаци пикри ва уркѣцѣичевси, Аллагъли акІахъубси ибси

гъарил секІал дигахъуси адам ва жавабкардешлара бархъдешлара шайчивси гІибрат ветаур.

Гъалавла къяркъси, уркѣцѣи агарси Гумар таманни гІяхІла шайчив варскайуб, уркѣцѣичевси ва пикричевси, цархІилтаци уркѣцѣили нургъбани садяхъибси ва дебали малхІямси ветаур. Чис-биалра вайбарес, деѣагахъес хІейрусси, хІятта имиалалисалра изиахъес хІейрусси ветаур. Гъар даим МухІяммадла ❁ умматличила – илала къулайдешуначила къайгъназивси, уммат багъандан сунени дахъал жавабкардеш чекасибси, кадиркути лерилра анѣбукъуначи халати жавабкардешличил хІерикІусси, Гумар асхІябли ибсири: «Ну урухІуларра, Тигр хІеркІла мякълаб беѣли маза кабушалли, Аллагъли набзирад жавабкардеш тІалаб даресгу или».

Ил чарх-бекІлизиб назиктас ва ятимтас къайгимдеш диран ва илди гІеббурцан ветаур. Дугурбазив, гІелакахъили къакъличичи гавлагра сайра юртанала къатаникад вашули, мискинтас деркести дуртІусири. Илала уркІи паргъатбирусси ахІенри чила-биалра хумарси уркІи сунени шадбиахъайчи, яра шишимтази викибси адам пишвахъайчи. Ил халиф ветаурли гІергъи, дуги-хІери ѣадарили, МухІяммадла ❁ умматла челукъути зугІлума бекІдирули узусири. Амма, иличи хІерхІеили, сунела бузериличив сай разивирусси ахІенри, мурталра гІибратлис МухІяммад ❁ гъаниркахъули. Умматлис къуллукъбирнила шайчирти сунела баркъудлумачи хІерхІеили, жавабкардешличичи ва бархъдешличичи гъуѣси илала уркІи мурталра паргъатагарли бирусири.

➤➤3

Нумрада:

<p>2 САГАТИ ХАБУРТИ</p> <p>Президентли бусурманти гІеббуцес чеси</p> 	<p>4 НУШАЛА ДИН</p> <p>Лайлатул къадрила дуги</p> 	<p>5 ТІАРИКЪАТ</p> <p>Тіарикъат чинад бакІибсил баянбарни</p> 	<p>6 НУШАЛА ДИН</p> <p>Закатуль-Фитр – чарагарли чебси садакъа</p> 
---	--	--	---

САГАТИ ХАБУРТИ

Лерил мижитунала
имамтачи дугъабиз

Дагъиста бусурмантала Динна идарала канонический отдел Дагъистан республикала лертигунти мижитунала имамтачи мижитуназиб, Жумягъла дехлибайзиб ва лерил цархилти фарзла дехлибайзиб дугъа «Кунут» («Магъдина») бучлахъес бусравличил дугъабилзули саби – Чевяхъси Аллагъли нушала Дагъистан, лебил бусурманти лерил балагъуназибад, питнализибад, хаслира гелабси замана имцладиубти, берцахъес багъандан!

Балагъуни челяркъуси, къияндикибси замана «Кунут» фарзла дехлибултазиб бучнила хайриличила ва манпагъатдешличила фикъгъила дирхалачерти кунгазиб гъалимтала чихъти ва аргъести гъайли бурули саби. Масала, имам ан-Нававила «аль-Минхадж», Ибну Хияджарла «Тухфатуль-мухтадж», ар-Рамалила «Нихаятуль-мухтадж» ва вецлани гурра дирхалачерти кунгазиб. Дигутани илди кунгазиб хлеръаб ва «Кунутличила» буруси раздел (бутла) белчлаб.

Нушани «Кунут» ишкъайда бучлахъес маслигъатбирулра, сенахенну ишбархли бусурмантачи чедакибти балагъуназибад ва питнализибад берцахъес багъандан иш тяхярли белчини балбиркули саби:

اللَّهُمَّ اهْدِنِي (اهْدِنَا) فِيمَنْ هَادَيْتَ، وَعَافِنِي (عَافِنَا)
فِيمَنْ عَافَيْتَ، وَتَوَلَّنِي (تَوَلَّنَا) فِيمَنْ تَوَلَّيْتَ، وَبَارِكْ
لِي (لَنَا) فِيمَا أَعْطَيْتَ، وَقِنِّي (قِنَا) بِرَحْمَتِكَ شَرَّ مَا
قَضَيْتَ، فَإِنَّكَ تَقْضِي وَلَا يُقْضَى عَلَيْكَ، وَإِنَّهُ لَا
يَذُلُّ مَنْ وَالَيْتَ، وَلَا يَعِزُّ مَنْ عَادَيْتَ، تَبَارَكْتَ رَبَّنَا
وَتَعَالَيْتَ، فَلَكَ الْحَمْدُ عَلَى مَا قَضَيْتَ، أَسْتَغْفِرُكَ
وَأَتُوبُ (نَسْتَغْفِرُكَ وَنَتُوبُ) إِلَيْكَ
اللَّهُمَّ كَفِّ عَنَّا شَرَّ مَنْ يُرِيدُ بِنَا سُوءًا فَإِنَّكَ أَشَدُّ
بَأْسًا وَأَشَدُّ تَنْكِيلًا، اللَّهُمَّ إِنَّا نَسْأَلُكَ الْإِسْتِقَامَةَ مَعَ
التَّوْفِيقِ وَحَسَنَ الْخَاتِمَةِ، اللَّهُمَّ اكْشِفْ عَنَّا مِنَ
الْبَلَاءِ مَا لَا يَكْشِفُهُ غَيْرُكَ، اللَّهُمَّ إِنَّا نَعُوذُ بِكَ مِنَ
الْمَكْرِ وَالْإِسْتِدْرَاجِ مِنْ حَيْثُ لَا نَشْعُرُ فِي سَاعَةِ
مِنْ لَيْلٍ أَوْ نَهَارٍ بِرَحْمَتِكَ يَا أَرْحَمَ الرَّاحِمِينَ، اللَّهُمَّ
احْفَظْ بِلَادَ الْمُسْلِمِينَ وَدَاغِستَانَ خَاصَّةً، مِنْ جَمِيعِ
الْمَصَائِبِ وَالْآفَاتِ وَالْبَلِيَّاتِ بِرَحْمَتِكَ يَا أَرْحَمَ
الرَّاحِمِينَ، اللَّهُمَّ اضْرِبْ بَعْضَ الظَّالِمِينَ بِالظَّالِمِينَ
وَآخِرِجْنَا مِنْ بَيْنِهِمْ سَالِمِينَ، وَصَلَّى اللهُ تَعَالَى وَسَلَّم
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ،
رَبِّ (رَبَّنَا) اغْفِرْ وَارْحَمْ وَأَنْتَ خَيْرُ الرَّاحِمِينَ، آمِينَ

Аллагъли лебил бусурмантала балгни къабулдараб! Ва лебил бусурманти, хаслира нушала Дагъистан сунечи дакибти лерил балагъуназибад ва питнализибад берцахъаб! Амин.

Президентли
бусурманти
гъеббуцес
чесиб

Дмитрий Медведев Москвализибси бекI мижитла вякъун. Ила вакниличивли ил россияла бусурмантала динна гъабкъябачил гъуниваиб. Арагъебли лерил масъултачил гъайбиклули калун – динани ургарти бархбасуначибад бехибихили, яни шимала мижитунуни ванадирахънила тяхяркъяйдаличи бикайчи.

Гъарил бусурман адами мижитла айцухлели, дабри чердатес гъагъиса сай. Дмитрий Медведевтира мижитла ухна ацлайчи, дабри чердатур. Гъайгъайра илкъяйда гъадатлис ахленри барибси, беглар гъалаб илгъуна баркъудили дунъяличирти динали ургаб беглар халатазибад сабси динна хурмат ва лайкъси къимат бедлугни чебаахъиб. Москва бекI мижит 1904 ибил дуслизиб барибсири. Ил барибсири татартала вачрукъя ва меценат Салих Ерзинна арцлис. Советский замунтазиб ил СССРла тах шагъарлизиб цацунси бузуси мижит сабри, илхлели ила лебилра башес дигути кабуруттури.

Гъанна ишаб гъайгъайра, къакъали саби. Байрумтала замана бахъалгунти бусурмантани дехлибала дурар дирули сари.

Дмитрий Медведевтира хъясиббариб: чебиуливан, мижит дебали биштлели саби. Ца кел ганзла итаб буруси сагаси мижит халаси бирар. «Минарабани цацадехI Спасский Кремльла къуббала къягъяла къиликъуни цаладирхъу, – виклули сай муфтийтала Советла председатель, Европала шайчибти Россияла бусурмантала Динна идарала председатель Равиль Гайнутдин. – Ва архитектурала някъишуни, гъайгъайра, россиялантала-бусурманталагунти дирар».

«Ну вирхулра, сагаси мижит Москва жагадешли бетарнилича», – буриб Дмитрий Медведевли.

Цаибил мижит, бархъли буралли – дехлибала дируси хъали, цацадехI баянти хъясибли, Иван Грозныйла замунтазиб, Ордынка къакъала районнизиб абхъибси буили саби.

Бусурманти Российская Империя багъандан бургъули калунти саби. Дунъяла цаибил дергъла ва Чевяхъси Vatla дергъла замунтазир имамтали Москва бекI мижитлар халкълизирад беклахъ гъеббуцутти секлал дурчули калунти сари, бургантас кумеклис. Дмитрий Медведевли хасли декларбариб: Россияла цакадеш динани ва культураби цализи ца дархдаснилизиб саби.

«Нушала пачалихъла бекIдешдиранничи – россияла Федерацияла президентличи, чи виалра ил, хъарси саби – лерил халати динаначи, хаслира бусурман динничи пикри бяхъичъес, – буриб россияла президентли. – Ил секлайзиб сегъуналра чилалра ташмишдеш хъебиз гъагънибиркур.

ХИЯТИ

БЕГЛАРА
ДУРХЪАСИ
ДЖИГЪАД САБИ,
БАРХЪСИ ГЪАЙ,
ВАЛКИСИ ПАЧАЛА
ГЪАЛАБ



Чянкли илизиб саби нушала пачалихъла цакадеш».

Ишбархли улка «шишбарес» алавбакибтани жигарчебли динна ва миллатчидешла байрахълиур (хъулчилидуцили), чула уряхти къасани дигъанкадирули саби. Динна агълула хъяччи – жигарчебли иличи къаршидеш дирес ва гъаттира жигарчебли адамтачил бузес, ва илкъяйда илдачи гъамли бизес.

«Балулра, экстремистунани деклар-декарти секлал хъулчилидуцили – динна, исламла, исламла ахленти, яра динничил сегъуналра бархбас агарти, чула вайти къасани дигъандирули дъниличила. Иличибли илдигъунти аги-къяйда дебали къиянни сари, чунира нушала улкализибси паргъатдешла аги-хъял булъахъути, – виклули сай Дмитрий Медведев. – Ил секлал хъисаблизе касили, лерил далдуцуни дехлдуцес гъагъили сари, илди аги-къяйда детахъахъес багъандан.

Арагъебти, лебилдунъяла масъултачил беклахъудила масъултачи шурбухъун. Масала, шимазир дехлибала дирес мер-муса агара, бургарли саби. Иличила Россияла верховный муфтий, Россияла бусурмантала Беклибиубси (центральный) Динна идарала председатель Талгат Таджуддинни буриб: «Ишбархли шимазир 50-60 % мижитунала анилис гъейклули сари. Или бетаруси коммунальный оплатабачил дархдасунти (газ, отопление...) масъулти багъандан саби.

ЦацабехI муфтийтачил барх нуни ил пикрибарибсира. Мижитуначилацун ахлен гъай, лерил гъадатлати динанала киласабачилара пикриухъес вирар».

Исламла челякълаличила гъайбиклухлели, Сочилизиб бетерхес гъагъиса Олимпиадаличилара гъай детатур. Илаб цалабиркур лебил дунъяла спортсменти, амма шагъарлизиб мижит агара. «Олимпийский хъязани дехлдихъибхъейс, спортсменти-бутлакъяччиби ва бусурман улкнала олимпийский комитетуни иличила хъарбиклули саби. Нушала пикри хъясибли, Сочилизиб мижит барниличила суал арзни дебали бархъси бири», – буриб Равиль Гайнутдинни, Дмитрий Медведевли ил пикри гъеббуциб. Бархъли буралли, сагати мижитунуни центральный шагъуртазирцун ахленну, илди хъяжатдиркути мераначирра дарес гъагъили сари, бусурманти гъар мерлаб ункъли, ряхъятли булгахъес багъандан или буриб.

Cheeff. livejournal.com

ДУРХЪАТИ ХАЛИФУНИ

Хаттаб аль Фарукъла урши дурхъаси Гумар асхІяб



1 «Иличи къаршиси хілла дураберкіли, вебклесли вяхъибси Гумарлизи (р.г.) чебугъутири: «Хіела мерличи чи-биалра катурли, илди хіянчи чичи-биалра хъардарадри!»

Ихтиюрти гѳрдурцнила шайчив дебали чеветаибси ва жавабкарси Гумарли (р.г.) жаваб чарбатур: «Ну мицирхіели хіуша багъанданти жавабкардешла дех дила хъуцѳрумачи чебихъили, ил дех мар-марли вебкіли гѳргъира бихес чебиркуру? Ну дила бузери багъандан сегъунсилра шабагъатличи хѳрли ахѳенра. Хіябилра дигахъаси наб, халифли вирухѳелла дила баркъудлума бунагъунира дурусдикили. Наб чіянкіли ца секлал баибсири – Къиямалла Бархлі ну Къудратла ВегІ Аллагъли танбихліахѳерни».

Илкъяйдали сунела мискиндешличила хъумартурли, Гумар (р.г.) сунечи жавабкардеш хъардикибти умматла къуллукъуначила къайгъназиври.

Илала беклібиубси къайгъи сабри адамтас паргъатдеш; урехіхебирахъни ва илдас къулайдешуни гѳрдурцини. Илини чебиклібси гъуйчив сунезибад гѳбрат касес виэси ва иличи мешуикес гъазализивси цайли каси Аллагъла Вакил ﷺ сайри. Дурхъаси Гумар (р.г.) мурхъси дяхілизирти къел заядиэсгу или урухкіули вашуси адамван, дурхъаси Идбагла ﷺ дурхъати гунзрала къелкад вашусири – мяхкіамли ганзікіули, цархил шайчи викишара или урухкіули.

Гумар асхІяблси (р.г.) Къудратла ВегІ Аллагъли караматдешра дедибтири. Гъачам ишгъуна анцібухъ бетаурсири:

ЖумягІ бархіла хутІбала замана, минбарличи аціли, Гумарли (р.г.) тІамадариб: «Эй, Сария, дубуртазивяхІ, дубуртазивяхІ»

Илди дугъбала сегъунсилра бархбас лебси ахѳенри ит бархіла вягІза-насихІятуначил. Ил манзил Сария ургъули дергълизиври – Мадиализивад ца баз вашесли гъарахъси мерличив. Амма чевяхіси Къудратла ВегІли Гумарла (р.г.) тІама Сариячи баахъиб.



Аллагъла урклеціличивли, дурхъаси Гумар (р.г.) рухІла шайчив дебали давлачевси, дахъал секлал далуси, сегъунтилра тамяхІкардеш агарли бархъли хІукму бирнила шайчив чихъси гѳбратли ветатур. Ил левси мерличиб, адамтази вай баркъудира бунагъунира дирахъес гъирбикүси шайтІагІс мербируси ахѳенри. Ил левси мерличир бархъагардешуни, зулмурти, гѳлабадкабиркни лерти ахѳенри. Ил багъандан Аллагъла Вакилли ﷺ дурхъаси Гумарлизи (р.г.) ибсири: «Дила рухІла ари Сунезиб сабси Дурхъаси Аллагъла уличил хъа бирулра, чула гъуйчив шайтІунтас хІу къаршивяхъядлири, чараагарли илдани чула гъуни барсбири – цархил шайчибяхІ». (Муслим, Фидаилус Сахаба, 22).

САДАМТАЧИЛА ВАЙТИ
ПІКРУМАЗИРАД
ХІУША
ГѳРКЪАДИКИРАЯ,
СЕНАХІЕНУ ВАЙТИ
ПІКРУМИ ДЕГІЛАРА
КЪЯНАЛА ГЪАЙ
САРИГѳРКЪА-
ДИКИРАЯ, СЕНАХІЕНУ
ВАЙТИ ПІКРУМИ
ДЕГІЛАРА КЪЯНАЛА
ГЪАЙ САРИ

Дурхъаси Гумар асхІябла (р.г.) пасихІти дугъби жагати насихІятунили детаур:

«Адамли секъяйдали дехлібала дирулил яра севан дубурцулил хѳрѳили, илис къимат малугадая. Хѳрдизирая ил вархъли гъайікүлил, сунечи хъарбарисси секІагІс жавабкардеш дихулил. Хѳрдизирая иличи, дунъяла гІямаллизи дархили, шаригІятли къадагъадарибтачил (хІялал-хІярамличил) севан вяшкіулил». (Байхаки, Сунанул-Кубра, VI, 288, Шуаб, IV, 230, 326).

Уркли кабізахъурли дехлібалара дирули, дубра урцили – Аллагъла лагъ вайдешуни дирнилизивад гѳлумилзахъни – ил Аллагъла хѳекъдеш ва Иличи бирхарутас гІяхіси хабар саби. Сунела адуцала ва баркъудлума къулайдиахъес къайгъихѳебируси муъминна баркъудлума биалли рухІла шайчир саяли сари.

Илди вайдеш бирнилизирад, хатІабазирад ва ташмишъалализирад мяхкіамли ахѳен. Чучи хъарси чебетахъили барес сегъунсилра къайгъи хѳебирути, ил шайчир чедихІяртдеш дакІудироти, амма сари Аллагълис мартира или, Чевяхіси Аллагъла урклеціличивра хъулбикүти адамтачила Гумар асхІяб (р.г.) викүсири:

«Хіуша Аллагъличи хъарихъанти ахлі, урхІла лебдешличи хъулдикІанти саррая. Гъарли-марли, Аллагъла къадарличира чекайзурли, Иличи хъарихъанра сай – гІянжилизи (хъули) гъе игъубли гѳргъи сабухъличи хъуликІангъуна. (Ибн Раджаб, ДжамигІул-Улум, 1, 441).

Гумар бин Хаттаблси Ислам къабулбарни

СягІд-апанди аль-Чиркави

Хаттабла урши Гумар Идбагла ﷺ икъалачибазивад хала-сигъуна сайри. Ил гІямрули Аллагъла расулличив ﷺ веціну кіра дусли виштіласу сайри. Идбаг ﷺ Къудратла ВегІ Аллагълизи улгусири Хаттабла урши Гумарлизи дин къабулбарахъили, Ислам чебяхІбарахъес

Ит замана Идбаг ﷺ дин дигІянали тІинтібирули левалри ва Маккала лебилра халабегілтти илис вайбарес бузулри. Ца бархлі МухІяммадла ﷺ баркъудлумас къимат бедес или къурайшитуни цалабикиб. Ил кавшили увасес ибси суал хѳербирулри илаб. Лебилра ил барес къабулбикиб ва тІутІукабиуб, гъарил хѳерли сайри Идбаг ﷺ кавшили сай ибси хабар мурт багъарбирарал. Чіянкіли Гумар сайри МухІяммад кавшес къабуликибси. Вайлиу шушкара бигъи сайра, Гумар МухІяммад каршис ибси къасличил дуравхъун ил варгес ва Сафа дубурла шайчивяхІ вати хъиб. МухІяммад ﷺ биалли ил замана сунела шаликартала къукъяличил варх

Акрамла юртлизибси ХІямзала хъулив сайри.

Гъуйчив Гумарлиси СагІду бин Абу Вакъкъас къаршиикили сай. Чина ватихилри или хъарбаибхѳели, Гумар викүли сай МухІяммад ﷺ кавшес или. СагІду илизи викүли сай, хІуни МухІяммад ﷺ кавшес хѳейруд. СагІду ил замана МухІяммадла шали буцібтазивад сайри. СагІдуни гІурра имціабарили сай: «Нуни хІу ил барахъес хѳелтари, сенкІун МухІяммад ﷺ Гъашимхъала ва Захархъала жинслизивадси сай».

Илхѳели Гумар гъимукіили сай ва, гъаланачи нуни хІура каршури или, СагІдучи чевхъи сай. СагІдунира шушка абитіи сай. Илди бяхѳес хІядурбиубли саби. Ил замана СагІдуни кѳлра шагъада ахъли дурили сай ва илди сабабагарти къалмакъар хѳедарили декларбикіили саби. Илав СагІду Гумарлизи викүли сай: «ХІу илцад гІяхІгъабза виадли, сен хѳела рузи бусурман дин къабулбарахъес ратурри?» Илхѳейс Гумарли сунела рузи бусурманриубли риъниличила багъурли уили ахѳен». Илала мурул СягІд бин Зайдліра иличил барх Ислам къабулбарили уили сай. Сунела рузини хала бегІтала дин бархъатурли риъниличила багъурхѳели, Гумарли СагІду вархъатурли сай ва рузила юртлизивяхІ къалабаикили сай. Рузи Фатимара илала мурул СягІдра Къуръа «ТІагъа» бикүси сура бучіули барги-

ли сай. Илдачил варх бусурман дин къабулбарисси Аратла урши ХІябибра левли уили сай. Гумарла гунзрала тІама аргъибхѳели, ХІябиб хъа гІямзила дигІяникили сай. Гумар някълизиб шушкаличил хъули ухІнавхъи сай. Ил багъбиубси хѳеркІличи мешули уили сай. Илдани бара гъалаб бучіуси се сабрил хъарбаили сай. Мурул-хъунул бикүли саби, нушани селра хѳебелчІунра, цаличил ца гъай сарри дикІути.

ХІушани рахли хала бегІтала дин бархъатурли хѳедиша или хъарбаили сай къяркъси тІамаличил. СягІдди жаваб бедили сай, нушани бузахъуси дин хала бегІтани бузахъусиличив бархъси саби или. Гумарлиси илини бурибси гІяхІбизурли ахѳен ва иличи чевхъи сай. Илди цаличил ца бяхіили саби, Гумар цақьли уили сай ва СягІд ванзаличи кайкахъили сай. Фатима итмадан муруйс кумекличи музарухъи сари ва узи къужварили сари, илкІун СягІдла михъирличи кайилри. Гумарли рузис бяхъили сай ва илала ряхІлизирад хІи чяхІдухъи сари. Илхѳели Фатима узичи дугъаризурли сари: «Аллагъла душман, хІуни наб бяхъири или нуни Аллагъ цацун виънилис бикъридеш дирис!» ЦархІилтани бурни хІясибли, илини ишкъяйда или сари: «Бархъдеш илини тІинтібируси диннизиб хѳебиалли, хІуни наб се-дигара барес вируд» или, шагъадала дугъби

дурили сари. Фатимани дурибти шагъадала дугъби аргъибхѳели, Гумар хапли сунени барисиличи пашманубли сай, илини СягІд вархъатурли сай ва сегъунти саррил пикрума ясируцибси ил СягІдличивад тядивиубли сай. Ил рузичи гъамиубли сай ва чуни гъалабван белчІунси кагъарла кІапІи чебаахъес тиладибарили сай. Рузини илизи аятуначилси кІапІи бедили ахѳен. Гумар ил сунези бедахъес гІурра тиладиухъи сай, иличи ца хѳеризес дигулра или. Фатимани аргъахъили сари Къуръайзирадти аятуначи къячикес гъалар дазала диэс чебиркур или. Рузичи лехізулри, Гумар къалабали вазес арякъи сай. ИлхІсли ХІябиб гъудуриубли сай ва Фатимази викүли сай: «Марлірагу, хѳед Аллагъла дугъби динничи хѳерхуси адамлизи дедес дигулрив?» Илини дедес дигули риъниличила аргъахъили сари ва Къудратла ВегІли илала узилизира Ислам къабулбарахъу или хъулрикіулла или бурили сари. Камси заманала гѳргъи Гумар чарухъи сай ва аятуначилси кІапІи някъбази буцили сай ва «Бисмилла...» белчлі сай. Пур «ТІагъа» сурализирад чумал аятра. Ил «Ва акъими салата ли зикри...» ибси мерличи ветаибхѳели, Аллагъ ца виъниличи вирхаурли сай. Ил викүли сай: илди дугъби дурибсилс сегъуналра вархкъа хІяжатси ахѳен или.

► 6

НУШАЛА ДИН

Лайлатул кьадрила дуги

Дурхъаси Аллагъли дурхъабарибси дуги саби Лайлатул кьадрила дуги. Сабира Аллагъли Къуръайзиб гъанбуршули илис цахнабси «Инна анзалнагъу» биклуси сура декларбарибси.

Ил сурала мягна: «Нуни лайлатул кьадрила дугилизиб Къуръан хъурабарира», гур Идбаглизи Аллагъ виклули сай: «Хуни сели балада Лайлатул кьадрила дугила дурхъадеш?», илала гьегъи Аллагъли баянбирули сай: «Лайлатул кьадрила дуги 1000 базличиб дурхъаси саби», илала мягна, – 1000 баз, чузибра Лайлатул кьадрила дуги агарти. Сурала бегла гелаб Аллагъли гъанбуршули сай ил дуги берхли абухъайчи калниличила.

Ил сурала мягна аргъахъес ца хабар бурехле. Ца заманализиб нушала Идбаглира сунела асхябтанира Жабрагил малаикла хабар бакъиб. Жабрагил малаикли ца бану исраилтала Шамгун Гъази биклуси гъабзаличила буриб. Ил дугели шаладикайчи Аллагълис гьабдатлизив дурклулири, херели капуртачил ургъули 80 дус калун, иличиб чедибикес капурти бирули ахленри.

Ужес милигиубхлели илала цулбала ургар мурити шин даклюдирлири, беркайс гушиубхлели, илала къаклаб дигъа кесек даклубирулири.


Душмантани иличиб чедибикес имкан хьабаклибхлели, илди макрула гъуйчи кабизур.

Шамгунна хъунуйс дахъал мургъарц дедили, иличил вягдабариб Шамгун кавшес. Мурул каршниличил къабулхерикиб, амма кумекбарес ралризу.

Илдани Шамгун усаунхлели илала къашмира някъбира дигъахъес гъимир бедиб. Шамгунни гъанклизивад чеваргьибхлели хъарбаиб: «Ну чили вигъунсира?» Хъунуй сунени мургъарц багъандан вигъниличила буриб. Шамгунни някъбира къашмира зуздарили, гъимир къябкаиб.

Душмантани кинайс рахаж хиб, илисра гъимирлисгъуна бетатур. Илхлели Шамгунни хъунуйзи буриб: «Ну Аллагълис дигуси сайра, Аллагъла вали сайра, дунъяличиб лебси сегъуналра цаъкъ набчиб чедибикес хьабар, дила гъезла кумекличил ахленси».

Шамгун усаунхлели илала хъунуй муцурличирад 8 гъез къицдариб, 4 гъезли къашми дигъун, 4 гъезли някъби дигъун. Гъанклизивад чеваргьибхлели, Шамгунни я някъби я къашми арзес хейъуб. Хъунуй ил селра барес имкан агарли чеваибхлели, илала душмантази вявьиб. Душмантани арукили ил чула къялгъяла, илар илала някъбира, къашмира, лезмира чердахъили, хлулбира адитлун. Жабрагил малаик ваклибхлели Шамгунничи, лебил илди душмантани ил къялгъялаб лебри. Малаикли илизи хъарбаиб: «Хед се дигулири?» Шамгунни жаваб чарбатур: «Иш къялгъя вяшбарили, ишабти лебил адамти гъандбушес цаъкъ дигулира». Аллагъли Шамгунна хъул бар-



таахурли, лебил илабти душмантира Шамгунна хъунула гъандбикахъиб, сай Шамгун ахленси. Аллагъли ил верцахъили, лерил сунела черкадхъибтира чардариб. Илала гьегъи Шамгун херели дубурцули, дугели гьабдатлизив 100 баз калун.

Жабрагил малаикли хабар таманбарихлели, Идбагла асхябти бисибиили, чусра 100 баз гьабдатлагъуна кери дигули ахъиб ва Идбаглизи хъарбаиб: «Нушани секъяйда дирехле касес ихцад кери». Илхлели Аллагъли нушачи лайлатул кьадрила дуги хъурабариб, Къуръайзиб ил баянра барили, сабира 83 дусла гьабдатличиб дурхъаси. Ил дугилизиб нигматуни лугути малаикунни дунъяличиб кабицлуги саби, шайтаннис рахажунази бигъи, чисалра диргалабухъес имкан хлякъян. Дурхъаси Къуръайзиб Аллагъ виклули сай (мягна): «Кабицлур дунъяличиб малаикунни, илдачил варх Жабрагил малаикра, Аллагъла ихтиярличил лерилра гъамалтира хили». Илала мягна – лерилра ца дусла духнара детарути гъахтира вайтира баркъудлуми кадухили ибси саби. Лайлатул кьадрила дугилизиб кабицлуги малаикуннала бахъдешли гъаваличи лайбаклибси буреба балли илдала букрачи кабиркур. Илди лебил малаикунни Аллагълизи булгути саби Лайлатул-къадрила дуги гьабдат бирутала бунагъуначивад чевверхахъес. Берхли ахъбиубли шалабиубхлели, Жабрагил малаикли илди лебил малаикуннази чула мераначи баклахъес вявьиру. Гур илди малаикунни Жабрагил малаиклизи иру: «Я Жабрагил, Аллагъли се барес пикри-

барилли гъахти адамтас дарибти нушала балгнала чебад?» Жабрагилли иру: «Авал журала адамтачив ахленси, лебил бусурмантала бунагъуначивад Аллагъ чевверхур».

1. Держли ужусила.
2. Бегтала ибси, хлурмат хьабарусила.
3. Гъамдешла ургала хьабихлусила
4. Бусурман узиличи 3 бархиличив имцякъ гъимуклили кавлуси.

Лайлатул кьадрила дугила ил дугилисцун лайкъти лишанти лер:

1. Декларси шала – я берхлилайчи, я бацлайчи, я туклайчи мешуси ахленси шала.

2. Суждаличи гъашдиубти галгуби;

3. Дуклумира сабира малаикунни чебаэс асубирар.

4. Малаикуннала тлама бакъес асубирар,

5. Ил бархилизиб шаладиркни декларли, клантили, жагали бирар.

Гьабдатлизив берклибси дуги, лайлатул-къадрила дугиличил цугбикалли, илди лишанти чехледааллира кери цагъуна бирар.

Лайлатул-къадрила дуги гьабдатлизив бурклулиси суннатла дехлибала дирес дурхъали бирар, илдала лугли агарси саби, клекел ракагъятла дирули шаладикайчи дирес асубирар, калунти дехлибала лерсини илди черахъес хляжатли бирар. Гъалимти биклули саби, савлилар хъатилара дехлибала жамигъятлизир дирни лайлатул-къадрила дуги гьабдатлизив

ХИЯТИС

ХИУНИ РАХ
РАХЛИ ЗИЯРАТ
БИРЕН, ИЛИЧИБЛИ
ХИЕЧИ АДАМТАЛА
ДИГИ ИМЦАБИРАР

берклиничи цугбиркур или.

«Къуръан секъяйда ца лайлатул-къадрила дуги хъурабарибси, Идбагличи абути бутла бутла 23 дусла бухнаб хъурабарибси биалли?» ибси суал даклубиэс имкан леб. Илала мягна: Къуръан Лайлатул-къадрила дугилизиб Лавхлун Махлфус биклуси удибси закличи хъурабарибси саби. Илабад Жабрагил малаикли Аллагъла хъарбаркъ таманбирули Идбагличи абути 23 дусла бухнаб хъурабарибси саби.

Муслимтира Бухаринира кибси хлядислизив леб: «Лайлатул-къадрила дуги гьабдатлизив чили беркллира, сунела лерилра бунагъуни умудирниличиб вирхаурли, Аллагъли сай лерилра бунагъуначивад умувирар».

Гур аклес асубирар: «Лайлатул-къадрила дуги мурт лябкъусив?» биклуси суал. Илала мягна аргъес багъандан ца хабар бурехле. Губайдат бину Саббитли хабар буриб: «Идбагла хъулилад дураухъун адамтази лайлатул-къадриличила бурес, сабира мурт лябкъусил. Гъуйчиб Идбаглис абути кел бусурман адам къаршибикиб, цаличил ца ил дугила чебад жалбиклуги. Илдала жал бакъили Идбагла виклули сай: «Ну ватихъисри хлушази лайлатул-къадрила дугиличила бурес, хлушала жал чебаибхлели, нуни дила пикри убкайсулера, ну хъуликлулира хлушази их дугила замана хьабурнилизив халаси пайда бетарар или. Сенахленну ил дуги Аллагълис гьабдатлизив берклес дигутани лебил Рабазан Аллагълис гьабдатлизив калес асубирар. Нуни их дугила замана бурили виасри, адамтани их дугиличи берклили гьабдатлизив, лебил базлис биркуси кери гелаб балта». Гурра Муслимтира Бухаринира кибси хлядислизив леб: «Идбагла абути хъунул Гъайшат риклули сари Рабазан базла бегла гьегъити 10-бархли Идбагли абути сунела буреш бучили гъамзила кабихъили, дугурби Аллагълис гьабдатлизир дурклулири или. Идбагла вебклили гьегъи илала хъунранира илкъяйда бирусирар».

Гурра Гъайшат риклули сари: «Рабазан базла гьегъити 10 дуги Идбагла сайра усули ахленри, лебил сунела гъамтира абуцили, гьабдатлизир дерклахъес вявиклулири». Гурра ил дуги дурхъали бирар белчлес иш балга: «Аллагъумма иннака гъафувун тухлубул гъафва, гъаффу гъанни».

Гурра Идбагла виклули сай: «Лайлатул-къадрила дугиличи хлуша Рабазан базла бегла гьегъити 10 дугила тьакти луглибазир хьердикленая». Бусурман узбира рузбира, бегла гьегъити дугурби гъамдиклули сари, ихцад халаси кери касес вирусамана ил заяли хьабатес къайгибирехле.

Дагъиста Динна идарала шайзирад Хлуша дурхъаси базличил гурра мубаракдирулар!

Аллагъли нушаб кумекбараб илди дугурби гьабдатлизир дерклахъес. Нушаб Сунени ахленси чилилра гес хейруси керира габ. Амин.

ТАРИКЪАТ

Тарикъат чинад бакъибсил баянбарни

Аллагу тагъялани иб (мягна): «Хушани Ну гъанушабая, Нуни хушара гъандуршура».

Гурра Аллагу тагъялани иб (мягна): «Ихди муршидуни Аллагули бархъибти саби, чула гъелавад хура арукъен».

Гатира Аллагу тагъялани иб (мягна): «Эй иман бухибти, хушани Аллагулис кумекбадалли, Аллагули хушабра кумекбиру». Тирмизини иб ихала мягна: «Хушани дила валиби дурхъабарадалли, нуни хушара дурхъадирура» ибси саби или. (Риммаху хъизби ррахим 17 бяхъ).

Гатира Аллагу тагъялани иб (мягна): «Хушани Аллагу гъанушабая, хуша хъекъли талихъла дирудая».

Идбагли **☞** иб: «Шаригъят – гъайала сари. Тарикъат – баркъудлуми (хъянчи) сари. Хъякъикъат – хъялани сари. Магърифат – гъар секъла бекъ саби» или.

Гатира Идбагли **☞** иб: «Аллагу тагъялани вархъ кайэс дигули чи виаллира, Аллагу тагъялала агълуличил вархъ кайаб» или.

Гатира Идбагли **☞** иб: «Аллагу гъануршусилара гъанхъершусилара мисал, мицирсилара вебкъибсиларагуна мисал саби».

Гатира Идбагли **☞** иб: «Аллагу гъанушни чили имцахъебаралра, ил адам иманнизирад вацъухъунси сай» или.

Гатира Идбагли **☞** иб: «Аллагу гъануршни чили хъумарталра, ил Аллагулис капуркайубси сай» или.

Бухаринира Муслимира идбаглизирад буриб: Идбагли **☞** иб: «Нуни хушази хабар буришав хушала гъамултала бегъла гъяхъисиличила, хушала пачяхъ Аллагула шулгъиб бегъла чебъахъисиличила, мургъарц Аллагула гъуйчир харждирниличиб хушаб гъяхъисиличила, хуша душмайгъ гъунидаили хуша чула хъябанази дирхъули, саби хушала хъябанази бирхъниличиб гъяхъисиличила? Асхъябтани иб: – Бура я Расулаллагъ. Идбагли **☞** иб: Аллагу гъанушни гъяхъисили саби лерил илди секъайчир» или.

Алхъямдуллилагъ, даим деза Аллагулис биаб, илди дурхъати зикрурти лугути марти шуйхри Дагъистайзибра лебниличиб. Хъисаббарая устазличиб бякъунтас биркуси пайдала халадеш, сунела уркъила Аллагула нур башахъес гъунира барилли, зикру виклахъес цакъра бедили урхъу устазличиб мурид. Устазлизирад сахъесили суненицун бируси зикруни азир дус зикру виклапра, васвасдешлизиб имцавиахъалли ахъенси, пайда хъякъян или бурули саби лерил тарикъатла агълула кунгазиб. Халаси тамашадеш саби, гъялимтани гъелавад кабикили чула гъайла бикъусилизи илди зикрурти дархъдалтахъни. Аллагура, Аллагула расулра **☞** зикру дикленая или хъарбикълхъели, Аллагуличира, Аллагула расулличира **☞** къаршили кайзури сунени зикру бархъбалтахъуси гъялимлис, сецад дахъал гъилму делчи виаллира, илис бусурман сай или виклес секъяйда вирусив?!

Гатира Идбагли **☞** иб: «Адамла къаркъайзиб ца диъла бутла леб, саби гъяхъибалли лебил къаркъала гъяхъибириси, саби пасадбиалли лебил къаркъала пасадбириси, ил диъла бутлара уркъи саби» или.

Ибну Хъяжарил Гъайтамани иб: «Тарикъатлизи керхни гъар адамличиб чебси саби, шаригъят хъясиблира хъякъикъат хъясиблира хилап агарли». (Фатавил хъядисийя 222 бяхъ).

Гатира Ибну Хъяжарли иб: «Чили марти сипатуни лерси шайх варгаллира, сунени их шайх уцхъевцили ватни хъярам бирар, их хъярамли биъниличиб ху вархъиури авалра мазгъабла далилтани, гъатира иличи бикъридеш диру лерил заклизирад хъурадиубти кунганира. (Фатавил гъумрийя).

Гъябдул Вагъгъаби Шшагъранини иб: «Лебил тарикъатла агълу пикрилизиб цабиуб – гъар

адамли сунес шайх уцес чебли биъниличиб, сай уркъиличивли Аллагула хъязратлизи керхъилизирад чарвирути сипатуни урасниличиб вархъиуси, сунела дехъибала детаахъес багъандан. Чебси таманбирули хъебиалли цархъил секъайчи хъяжатхъебикили их хъяжатхъебикили чебкабирар батинити излумас дарман дарни, илди излуми сари: дунъя дигни, кибру, гъужбу, рияъ, хъясуддеш, хъикъд, гъими, нифакъ, илдигъунти цархъилтира, илди лертасалра дарман дарес чебли биъниличила шакъдеш агара, илди излуми лерси адам гъязабуркъиличила ва илди хъярамти диъниличила дакъибти хъядисунани бикъридеш дирули сари. Анцъубъ илкъяйда биубхъели багъесли саби, илди сипатуназирад умувиахъес вархъиуси шайх уцхъевцили гъар адам Аллагуличира Аллагула расулличира гъясили сайни. Сенахъенну гъилмула азир кунг уркъиличир дагъаллира, шайх агарли илди излумас дарман дарниличиб вархъхъелзан.



Эй дила узи, хуни хъед шайх уца дила насихъятра къабулбара. Вари ху суфиятунала гъуни (тарикъат) Къуръайзиб я суннатлизиб (идбагла хъядисуназиб) бакъибси ахъен или викнилизирад гъарахъвики, или викни купру саби. Лебил суфиятунала гъуни (тарикъат) – сунела бухъналара чедилара Мъхъяммад идбагла **☞** тлабигъятуни сари. (Лавакъихъул анварил къудсийят 5 бяхъ). Багъжату ссаннийят 4 бяхъ.)

Имам Гъазалини иб: «Хъясуддешличила, кибруличила, рияъличила, гъужбуличила бурути хъядисуни дахъал сари, илди лерил хъядисуни цахънадирхъуси ца хъядисли хъед абаала биру». Магъязлизирад бакъибси хъядислизиб бурули саби. Идбагли **☞** иб: «Эй Магъяз, Аллагу тагъялани ванзара закра аклахъес гъалар верхъел малайк аклахъуб, верхъелра закра гъариллис ца малайк къараулли вариб. Гур хъяфазатуни (гъяхъитира вайтира гъямулти лукъути малайкуни) лагъли савли бархъахъайчил барибси гъямалличибли чебъахъулхъухъели, сунесра берхъилагъуна нур лебли шалабикълули, дунъяла заклизиб абаибхъели малайкунас ил гъямал умубилзан ва халабилзан, илхъели ил закличиб къараул варибси малайк хъяфазатунази виклар: – Иш гъямал сунела вегъла вяхълизи бяхъ-

ХЪЯМАС

Лерилра, заклизиртира, ванзаличиртира, гъялимла бунагъуначивад Аллагу чеверхъахъес тилади дикълути сари

я, ну гъибатличи (адамтас гъелав гъайвикниличиб) хъервикан сайра, дила Аллагули набчи хъарбариб адамтачила гъелав гъайвиклусила гъямал набчибад шалгъебхъебухъахъес. Илкъяйда кълэсил закличивси малайклира чарбиру, дунъяличиб дигиличил ва пахруличил барибсила гъямал. Илкъяйда хъябэсил закличивси малайклира вяхъла бяхъяя или чарбиру кибруличил барибси гъямал. Илкъяйда авэсил закличивси малайклира вяхъла бяхъяя или чарбиру гъужбуличил барибси гъямал. Илкъяйда шуэсил закличивси малайклира хъябличиб чебихъяя или чарбиру хъясуддешла вегъла гъямал. Илкъяйда урегъсил закличивси малайк лира вяхъла бяхъяя или чарбиру уркъелци агарсила гъямал. Илкъяйда верхъэсил закличивси малайклира вяхъла бяхъяя или чарбиру халисли, Аллагу багъандан хъебарили рияъличил барибси гъямал. Верхъелра закра малайкунани бархъили, гъямал Аллагуличиб абаибхъели Аллагу тагъяла виклар: «Хуша дила лагъла гъямал бихъянти сарра, ну сунела уркъиличи хъерикан сайра, иш гъямайчивли сунес ну дигихъеурли цархъил дигиатурли сай, сунечи дила лягънат биаб» или. Илхъели малайкунира верхъелра закра, чузиб лебтира лягънат биклар. Гур хъядис бурили таманбиубхъели, Магъяз цакъли вяхъилули висивииб. (Бидаятул гъидаят 60-63 бяхъ.)

Ихъяълизиб бурули саби Гъялимтала цали иб или: «Адамли сужда биру, сунесра гъанкабиркули их суждаличивли Аллагуличиб гъамвирус или, сунени их суждализир дарибти бунагъуни ца шагъарла агълуличиб дуталлири, лебилра гъалаккабири. Сунези суал бариб, сен-сен илкъяйда бетарусив или? Гъялимли иб: «Сунени Аллагула шулгъиб сужда бирухъели, сунела уркъи батулсилличира, къаркъа хъуланачира лехъехъниличивли бетаруси саби. (Ихъяъ 158 бяхъ бутла).

Абу Язидил Бастамани иб: «Шайх агарсила шайх –шайтан бирар» или.

Абу Сагид Мухъяммадул Хадимани иб: «Шайх агарси адам – шайтэйс дукелцили вирар» или. (Хазинатул асрар 189 бяхъ.)

Эй дила узи, хуни багъи Расуллагъ **☞** сунечи бирхъаурли, сунечи хъарбарибти лебил умматлис шайх виъни. Ил идбаг **☞** нушаб (жаваб барибти умматлис) хъекъси шайх сай, тарикъатла шуйхри васитла биубли яра васитла биъни агарли, васитла агарли шайхли ветаруси Аллагула валибас сай, сабира Идбаг **☞** мицирли лебхъеливан Идбагличил **☞** цахънабикес бирути». (Лавакъихъул анварил къудсийят 5 бяхъ.) Хъядислизиб леб: «Аллагула лугъри саби – чучи гъачам хъеризалли, илис гъергъи гъатли талихъагар хъейрусил, талихъиличивли талихъла вирусил». Ну виклус (кунгла веръ.): – Сен талихъчев хъейрусив, Аллагули идбагуналара расулталара наибтани барибти, саби сабабли лугърала амрура кабизахъурсил, саби сабабли гъариллис ризкъира барибси, саби сабабли гъязбра балагъра халкъличибад чебаркуси къамличил вархъасунси адам? (Риммаху хъизби ррахим 20 бяхъ.)

Гъябдул Вагъгъаби Шшагъранини иб: «Эй дила узи! Ху Аллагуличиб машгъулвируси, хъед насихъятра буруси шайх уца, дехъибайзир хъела уркъилизи дашути – ит бирис, иш ирис, ишгъуна мерла аркъяс дикълути пикруми хъезирад урасахъес багъандан. Нагагъ кехъерхадли, илди пикруми даим хъечил дархъ дирар, я чебси я суннатла цалра дехъибала илди пикруми хъедакхъили барес хъейруд. Их секъл хуни багъи, шайх агарли илди пикруми урасес вирус или хъулапрамакълуд, чузиб гъилму агарли даята биркъути пиркъа (къам) къяйда, шайх агарли илди урасниличиб вазэ хъейруд. (Лавакъихъул анварил къудсийят 44 бяхъ.)

Хъарахъуд бирар

НУШАЛА ДИН



Къурамяхияммад-хияжи
РАМАЗАНОВ

Рабазан баз таманбиубли гьегъи чараагарси шартли бетаурли саби Закатуль-Фитр – чараагарли чебси садакья.

Ибну Гумарли нушачи баахъ-ибси Мухияммад Идбагла хиядислизиб бурули саби: «Идбагли чараагарли чебсили халбариб Закатуль-Фитр – ца сяхла садакья – чумиздагла яра анклила. Ил дурусси саби (2,400) – 2 килора авдарш граммличира. Ил чараагарли чебси саби се журала дигара бусурманта-чиб – лугърачи ва уздентачи, муйлачи ва хьунрачи. Ил чараагарсили бетаурсири Хияжралис гьегъи ца дус дикибхелели». Цархил хиядислизиб бурули саби: «Закатуль-Фитр» – ил мискинтас къац саби, – бунагькар-тас биалли, хияжатагарт гьайлизи, шутни-къунбази ахьили, нушала лезмибани дарибти бунагъуни дирци саби. Ца гьаттира хиядис: «Рабазан базлизир дуцибти дуббуцар ванзалара закларе ургар кавлути сари закатула сяхл кахекьурли лебалцадхли». Цархилван буралли, абзур баз дубур-


цилиси бируси Аллагъла шайзибад-си шабагъат байхьаласили кавлули саби закатула сяхл чебсилчиби. Закатула сяхл хьарсили бетарули саби гьегъ бухнабси гьарил бусурманничи, дурус-ли буралли, марклячи биухейс – берхли гьелабиркухелели вебкисиличира, берхлила нур лералли аклубиличира (берхли гьелабиркухелели).

Сунесра, сунела хьунуйсра, дурхнасра, сунечи хьарти биал-

ли, сунела бегтасра закатула сяхлиси харжани мурул адамли деклардирути сари чус хияжаттала дурарадти харжаназирад. Балугъличи баибти кулпетлиси сяхл калкъуси саби илдазибад ихтияр сасили. Сяхл калкъухелели, гьарилла у ахьили, нийят бируси саби.

Нийят: «Нуни нийят бирулра наб-къадин, урши-рурсилис къадин Чевяхъси Аллагъ багъандан дуббу-

Закатуль-Фитр – чараагарли чебси садакья



царла сяхл какъес».

Имам Шафигила мазгъабла хиясбили, сяхл калкъуси саби, саби хьербируси мерличир имцали беркайс пайдаладирути ризкъила. Дагъистайзир илдигъунтили детаурли сари анкли. Рахли сяхл калкъути ризкъи нясли диалли, илди ца камси имцадарнира къулайси саби. Калкъуси сяхла ризкъи, Байрамла Бархли берхли абухъайчи, илди хасдарибтаци даахъес чебси саби. Камти ахлен анцбукъуни сяхлиси какъурти ризкъила гавлагуни базанадди мижитуназир дихлути. Ил беклили асубируси секлал ахлен.

Хурматла бусурманти!

Закатуль-Фитр – дуббуцарла закатула сяхл – ил дебали мягничебси ва жавабласи чебси саби. Хьумартес

асухлебирар закатула хьали-цала лебдеш-личи, мицйрагличи, арц-мургьилчи, тлутличи, хаслира вачуртазибад башуси хайриличи хьарси биъниличила. Илдасра шаригъятли кадицахъурти къадурти лерти сари. Хейгеси анцбукъ – цацабехитани, хьабаралра гьамал бизести мераначи садакья лугули (суннат), чула лебдешличи хьарси закатуличила хьумуртули саби.

Хурматла динна узби ва рузби!

Дурхъаси Рабазан базличил хлуша мубаркадирули, наб дигулра Чевяхъси Къудратла Вегили хлушала Аллагъ багъандан дирути лерилра гьахти ибти секлал къабулдарили. Аллагъ икъа-лавиаб нушаб нушачи хьарти чеде-таахъили дарахъес, Хала Бурхнас дяхшалали гъунидаахъес, мурталра чарх-беклизир ва рухла шайчир ара-сагътили, урки-хиял умутили дирахъес.

Гумар бин Хаттабли Ислам къабулбарни

Илини тиладибарили сай сайра Мухияммадличи укахъес. Хиябиб биалли, илгъуна кабикиес бирниличи муэрлизивалра хьуликес хейрусси, дебали развибули сай ва Гумар мубаракварили сай. Идбагли барибси балга къабулбарили уили сай Аллагъли ва Гумарлизи бусурман дин къабулбарахъили сай. Нуни Идбаг Абузагълизира Гумарлизира бусурман дин къабулбарахъес ва иличил Ислам чебяхъибарахъес Аллагълизи улгули чеира или бурили сай Хиябибли. Гьашишатлира бурибсири, биклар, Идбаг Гумарлизи Ислам чебяхъибарахъес Аллагълизи улгусири или. Къудратла Вегили ункъли бала клелра илди хабар цаличи ца къаршили дурадулхъули хьедьени.

Хияббра Сягидра Гумарличил барх Идбаг левси мерличир арбьяки саби. Илдани унзализи къутдяхъили саби ва абацахъес пурбанбарахъес тиладибарили саби. Идбагли гьамти адамтазивад ца унзаличи гьамилули сай ва музабухъунти чихъали сабил багъес хьеризурли, Идбагличи чарухъи сай ва Гумар ацахъишав или хьарбаили сай. «Ил гьахъси пикриличил музавхъунси хейалли, илизирад дерцахъес Аллагълизи дулгехле, вай къасличил вакъибси виалли, ил нушани ишавад мицйрли дуррахъелхъахъехле», – бурили сай Идбагли. Пур ил хъули ацибси Гумарличи гьамилули сай ва хьуцарлизивад уцили тямхъярварили сай. Гумарличи ружери бакили саби. Идбагли гур Гумарлизи бусурман дин къабулбарахъес бурили сай, Мугирала урши сайлини балагълизи хейкили левалли, ва балга барили сай: «Я, дила Аллагъ, хлуни нушала дин Гумар бин Хаттабличил дебабара». Илхелели Гумарли таманбайчи шагъада белчи сай.

Илхелели хъулиб лебти лебилра разибуубли саби ва «Аллагъу акбар» биклули саби. Гумарли Ислам къабулбарниличи Идбагла икъалачибицун ахлену, заклизибти малакуни булан разибуубли саби.

Исламлизибси Гумарла урки дигъанали дин бузахъниличили паргъатбиэс бирули буили ахлен. Ил Идбагличи дугъайзурли сай, нушани бузахъуси дин бархъси биалли, сен ил нушани дигъанали бузахъес гьагъисили или. Идбагли бурили сай, гьачамлис нуша камти сарра, нушаб гьелабадкьабиркули саби ва ил багъандан дягъандиркес чебуркъули саби или. Илхелели Гумарли Аллагъличибли хъа барили сай Мухияммад багъандан къурайшитуначи къаршили ургъес ва бусурмантала лерилра мажлисуначи вашес. Илди хъулибад дурабухъи саби ва клел тугълизи кабизурли, душмантала гьалабад сегъуналра урехи агарли, мижитлизи букъес батбихъили саби. Ца къайлизив гьалав вашули уили сай Хиямза, итиллизив – Гумар. Илдани ахъли такбир бучули буили саби, зубри ил замана дисули дуили сари. Аллагъла расулличил варх Хиямза чеибхелели, къурайшитуну урухбуубли саби. Мижитлизи аркъутала къукайлизив Гумарра чеибхелели, илди таманни хиякбизурли саби. Идбагли Гумарлис Фарукъ ибси у бедиб ва гьалаб дигъанали бузахъуси дин илхейчибад даклули бузахъуси бетаур. Капуртас ил чекасес дебали декъси баркъуди сабри, илди динничи къаршили дурабулхънилизивад гьахъедеш агара биклескабииб, сенкун бусурмантала лугли къалабали имцабиклули саби.

Аллагъла расулла шапагъятлизибад ва асхьябтала баракатлизибад мяхлруммабиаб лебилра илди дигахъути.

Дазала дурхъадирутира, уряхидирутира баркъудлуми

Даза дурхъадеш имцабиахъес багъандан, сецад виралли-ра дахъал суннатуни дирес хияжатли бирар.

Суннатуни:

1. Сивакли мухли суркбарни.
2. Даза гьалаб «Агузу» «Бисмиллагъ» дурни
3. Бекл някъби ици.
4. Лерил ицути бирканти чертачир имцали ици
5. Лерил даза бирканти хияйна дирци.
6. Къаркъа балуй шали гьаланачи ици, кинайс алгъай шали.
7. Къанкъра мухлира дарх даргаъни.
8. Шинклати някъбани лебил бекл суркбирни.
9. Лихли суркдирни.
10. Дазала дирухелели къиблаличи шурухъни.
11. Даза бирканти някъли суркдирни.
12. Халаси муцур биалли, някъбани муцурличирти гьез дитликни.
13. Някъбалара къашмалара тлубли ицухелели тинтидарили ици.
14. Лерил бирканти ургаб замана хьабатурли ици.
15. Даза гьегъи шагъадат бучни.
16. Даза гьегъи калунти шичи хупвикни.

Дазала удахидирути (карагъатуни)

1. Имцати шин делгъни (дазала шинна 1-литрличил имцахъедиахъули дарни дурхъали дирар).
2. Даза бирканти 3-наличир имцали ици.
3. Някъбачирти шин кадиркахъни.
4. Даза бирканти тряпкали ушкни.
5. Дазала дирухелели шин чизи-биалра кертахъни.
6. Язла секлайзир берхлила удир ванадиубти шичил дазала дирни.
7. Гъайикни.
8. Дазала нясси мерличир дирни – палтарличи я къаркъайчи нясти шин чярхидухъес имкан лебси.
9. Дубуцибхелели мухлила дебали шин духна дукъесли ици.

НУШАЛА ДИН

ТаравихІла дехІибала

1 «

ДехІибала ургар ДучІути балгни

Балга (дугІя) № 1: «Ла хІявла ва ла кьуввата илла биллагьы. Аллагьумма салли гІяла МухІяммадин ва гІяла али МухІяммадин ва салам. Аллагьумма инна насъалукал джанната фанагузубика минаннари».

Балга (дугІя) № 2: «СубхІяна ллагьы валхІямдуллагьы ва ла илагьа илла ллагьу ва ллагьу акбар. СубхІяналлагьы гІядада халкьыгьы ва ридаа нафсигьы ва зината гІяршигьы ва мидада калиматигь» (3-йна бучІа).

Балга (дугІя) № 3. «СубхІяна маликил кьуддус (2-йна бучІа). СубхІяналлагьыл маликил кьуддус суббухІун кьуддусун раббуль малаикати варрухІ. СубхІяна манн тагІяззаза бил кьудрати валь бакъаъ ва кьагьгарал гІибада бил мавти вал фанаъ. СубхІяна раббика раббил гІиззати гІямма ясифун ва саламун гІялал мурсалин вальхІямду лиллагьы раббил гІяламин».

Ишди балгни лебил жамагІятли дарх ахъли дучІа. БегІла гІергьы лерил дехІибала тамандиубхІели иш балга бучІа: «Аллагьумма инни агузу бирика мин сахатлика ва бимугІяфатика мин гІукьубатика ва бика минка ла ухІси санаан гІялайка анта кама аснайт гІяла нафсика».

ГІяли бин Абу ТІалибли киб хІядис: «Идбаглизи ۞ гьачам хьарба-иб таравихІла дехІиба дурхъадешличила, илис Идбагли ۞ жаваб чарба-

риб: «Цазсил дугІилизир таравихІла дехІибала чили дараллира – Аллагьли ил нешли варкьибхІеливан бунагьуназивад умувиру.

Киэсил дуги чили дараллира – Аллагьли сунела бунагьуни умударил кьайда, сунела бегІталара умудиру.

ХІябъэсил дуги дарибсилис – ГІяршла удивси малаикли вьвъиру: «ХІуни хІела гІямалти (баркьудлуми) сагадара, хІезирадли гьалар кадикибти бунагьуначивад Аллагь чевкерхурли сай».

Авъэсил дуги дарибсилис – Аллагьли Таврат, Инжил, Забур, Кьуръан делчІунси адамлисгьуна кери бедлуга.

Шуэсил дуги дарибсилис – Аллагьли Маккализибси – Масжидул ХІярамлизир, Мадиализибси – Масжиду Набавилизир ва Иерусалимлизибси – Масжидул Акьсалар дехІибала дарибсилечи цугбиркуси кери бедлуга.

Урегьибил дуги дарибсилис – Аллагьли Байтул Маъмурла (малаикунани мурталра тІаваф бируси, КьагІбала чедибси (нурла хъали) алав тІаваф барибсилисгьуна кери бедлуга.

ВерхІъибил дуги дарибси адам – Муса идбаглис кумеккикули, фиргІяваннички кьаршили дураухъунсилечи цугвиру.

ГехІъибил дуги дарибсилис – Аллагьли Ибрагьим идбаглис бедибси бедлуга.

УрчІемъибил дуги дарибсилис – идбагла гІибадатгьуна гІибадат лукІа.

ВецІъибил дуги дарибсилис – Аллагьли иш дуньялара итил дуньялара лерил нигІматуни дедлуга.

Чили вецІну царайбил дуги дарал-

лира – ил иш дуньялизивад нешла канилавад дураулхъуси кьайда декларирку (бунагь агарли).

ВецІну кІирайбил дуги дарибси – Кьиямала бархІи бацла шалакьайда ухуси дьхІличил алзан.

ВецІну хІябрайбил дуги дарибси – Кьиямала бархІила лерилра балагьуназивад верцили вирар.

ВецІну аврайбил дуги дарибсилис – сунени таравихІла дехІибала дарнилички бикьридеш диру ва Аллагьли ил хІисаб-султазивад урцахъу.

ВецІну шурайбил дуги дарибсилис – малаикунани салаватуни дучІа, илдала лугІилизиб ГІяршра Курсра бихІути малаикунни леб.

ВецІну уреграйбил дуги дарибси – Аллагьли жагьаннаблизивад верцахъили алжанализи хьуравиру.

ВецІну верхІрайбил дуги даралли – Аллагьли сунес идбагунас бедлугу-сицад кери бедлуга.

ВецІну гехІрайбил дуги даралли – Малаикли сунези вьвъиру: «Я Аллагьла лагь! Аллагь хІечивра хІела бегІтачивра разили сай».

ВецІну урчІемрайбил дуги даралли – Аллагьли сунела даража Фирдавс алжанализи ахъбурцу.

Гъайбил дуги даралли – Аллагьли илис шагьидуналар дурхъати адамталара кери бедлуга.

Гъану царайбил дуги даралли – Аллагьли сунес алжанализиб нурла кІялгІя биру.

Гъану кІирайбил дуги дарибси адам кьиямала бархІила балагьуназивад верцили вирар.

Гъану хІябрайбил дуги даралли – Аллагьли сунес алжанализиб шагьар тІашбалта.

ХІЯМАС

АХІРАТЛИЗИВ
АДАМ, СУНЕС ИШ
ДУНЪЯЛИЧИБ
ДИГУТАЧИЛ ВАРХ
ВИРАР

Гъану аврайбил дуги дарибсила 24 балга (дугІя) Аллагьли кьабулдиру.

Гъану шурайбил дуги дарибси – Аллагьли хІябла гІязабтазивад урцахъу.

Гъану уреграйбил дуги даралли – Аллагьли сунела даражара ахъбуцили, 40 дусла гІибадатла керира бедили дурхъавиру.

Гъану верхІрайбил дуги дарибси – лямцІла агиличиб сиратІла гуми шалгІеббалта.

Гъану гехІрайбил дуги даралли – Аллагьли алжанализиб илала даража 1000 ахъбурцу.

Гъану урчІемрайбил дуги дарали – Аллагьли сунес кьабулдарибти 1000 хІяжлацад кери бедлуга.

ХІябцІайбил дуги даралли – Аллагьли сунези иру: «Я дила лагь! Алжанала цІедешлира укен, Саль Сабилла шизив вази, алжанала хІеркІ Кавсарлизивад шиннира ужен. Ну хІела Аллагь сайра, хІу дила лагь сайри».

Бусурман узбира рузбира!

ХІуша лерил мубаракдирулрар дурхъаси Рабазан базличил. Иш дурхъаси базлички разидиркехІе. ГІяхІти гІямалти имцІадирехІе, вайти гІямалти, цаличи ца гьими, кьаршидеш, гьибат (мезлукьдеш) далтехІе. Аллагьли нушаб илхІели дуньяличир лераллира луга кери, илкьайда ахиратлизибра луга.

НУШАЛА ДИН

Салаватла дурхъадеш

Идбагличи ۞ салават бушибси адамлис Аллагьли сунечи 10 салават чардиру, Аллагьли салават чарбарибси адамлички жагьаннабла цІа кьаячхІебилкан или хІядислизиб леб. Салават сегьуна жураличкиб белчІаллира илала дурхъадешличила дахъал хІядисуназиб бурули саби. Салаватла пайдаличила ва дурхъадешличила:

1) Адамли Идбаглис ۞ салават буршухІели, ил Аллагьличил цугиркули сай, сенахІенну Идбаглис ۞ салават Аллагьлира буршуси сай, чула салаватуни деклар-декларти диаллира.

2) Идбагличи ۞ салават буршуси адамли ил салават бурули левай, Аллагьла малаикунани сунечира салават бучІа.

3) Салават бучІуси адамла Аллагьли вецІал гІяхІти имцІадиру, вецІал бунагь умудиру, вецІал даражала ахъурцу.

4) Кьиямала бархІи Идбагли ۞ ил адамлис шафагІят биру.

5) Адамли салават белчІунхІели, илала кери малаикунани мургьила кьаламтачил арцла кІапрази лукІа ва ил адамлизи бикІар: «ХІуни салават имцІабирен, Аллагьли хІела керира имцІабиреули сабину».

6) Аллагьли ил иманагардешлизивадра, цІализивадра умувиру.

7) Кьиямала бархІи Аллагьли сунес шагьидуначил бархІяхІядеш бедлуга.

8) Салават белчІунсилис малаикунани истигьфар (Аллагь илала бунагьуначивад чевверхахъес тиладибикІни) биру.

9) Ил адам вебкІибхІели, сунени белчІунси салават хІяблички тІашкабизурли, илала бунагьуни умударахъес тиладибикІар.

10) Ца салават белчІунсилис кери УхІудла дубурацад бедлуга.

11) БелчІунси салават малаикунани Идбагличи ۞ арху, Идбагли ۞ сунечира чарбиру. Илизибадли гьар салават Идбагличи ۞ бетиахъуси саби.

12) Салават сабабли бирар дуньялара ахиратлара хІяжатуни бекІдиънилис, анцІдукьала черардукьнилис, бунагьуни умударнилис.

13) Салават дурхъали бирар лагь азадватниличкиб ва гьазаватли дураухъниличкиб.

14) ГІямалти лукІути малаикунни салаватли бунагь хІебелкІахИ тІашиули саби.

15) Салаватли адам цІализивад урцахъули сай ва 80 дусла бунагьуни умудирули сари.

16) Аллагьла разидеш бакІнилис ва уркІецІи хьурабиънилис сабабли бетарар.

17) Аллагьла гьимиллизивад урцахъу, ва Кьиямала бархІи милигхІейъахъес ва гІяхІти гІямалтала шали декІбиахъес сабабли бетарар.

18) СиратІла гумиличивад някъ буцили шалгІеввалта.

19) Чили салават белчІаллира ца бархІила бухІнаб

1000, сунела анжанализибси мер чебаайчил яра малаикунани сай алжанализив ветарнилички разиварайчил, убкІхІебкІар.

20) Ца салават цугбиру Аллагьла гьуйчир дарибти 20 гьазаватлички.

21) Алжанализибти веГІла хьунри (хІурулгІин) имцІабирнилис сабабли бирар.

22) Садакьа барес имкан агарси адамлис, салават цугбуршу садакьа барнилички.

23) Ца берхІилизиб чили 100-на белчІаллира, Аллагьли сунела 100 хІяжат бекІдиру – 70 ахиратла, 30 дуньяла.

24) Салаватлички даимвиъни, дугели шаладикайчи гІибадатлички даимвиубсигьуна саби.

25) Аллагьлис бегІла дигути гІямалтазибадли саби, Кьиямала бархІи ва сиратІла гумиличиб нур саби.

26) Мискиндеш аркьахъу.

27) Салават имцІабарибси, Аллагьлис бегІла дигусира бегІла Сунечи гьамварибсира сай.

28) Кьиямала бархІи ХІявзлички арукнилис сабабли бирар.

29) Балга-дугІя кьабулдарнилис сабабли бирар.


30) Давлара имцІабарахъу, гІяхІти гьундурачира салават бучІуси вархІилзахъу.

ИкІди лерил пайдурти халати гІялимтани хІядисуназирад касили чула жузазир делкІи сари.

ИшбархІилизиб фитна бирантани (вагьабистунани) ихцад дурхъаси салават бучІни бидгІя, ширклизи халбиру. Чула гІякьура, гІилмура агарли, илди дакІахъес кьайгьира агарти сабни багьандан. Аллагьли дерцахъаба нуша илдала фитнабазирад. Амин.

СУАЛТИ — ЖАВАБТИ

Бучланта суралтас жаваб лугули сай ДУМД-ла експертунала отделе хянчизар **Мухияммад Мухияммадовли**




Цархилти динанала адатасра Рабазан базлизиб дуббуцари чеблибуисририв?

– Цацабехл гялимтала пикри хясибли, цархилти динанала адатас баяги Рабазан базлизиб дуббурцахъес чеблибуисри ахленри, цархилван буралли, Рабазан баз – ил нушала умматла хасдеш саби. Амма цархилти гялимтала пикри хясибли, Рабазан базлизиб дуббуцари бурцахъес лебил динаначи хъарсири. Иудейтани Рабазан базлизиб дуббуцари батур, илис къадин илдани дуслу бухнаб гъачам – Гяшура бархи-дуббурцули саби. Христианти бегл гъалаб Рабазан базлизиб дуббурцутири, ва амма дуббуцарла баз дуслу дуцарти манзилтазиб башес кабибхилели, илдас дуббурцес къянбухъун. Илхилели илда гялимтани хлб дуббурцес или хлукмубарив ва гурра 10 бархи чедихъиб, чуни илгуна хлукму дурааснила бунагъ черахъес или. («Фатхул-Аллам»).




Рабазан базчис-биалра хлерела замана беркала я шингъаладурцес асубирару?

– Рабазан баз шин, беркала гъаладурцес асубирару саби бусурмантас биаб, капуртас биаб, дуббурцес асубирарути бусурмантас ахлени, масала, дехибала агарбуубти яра дурхля аклубхилели чархлизирад дурадлухъути секлал лерти хъунул адатас, яра дуббуцари батес асубиратас, масала, зягипси адатас, яра гъункъяс. («Тухфатуль-мухтадж»).




Рабазан базлизиб калунси дуббуцари чеббурцуси адатас хали ил къяббердес (бехъес) асубирару?

– Рабазан базлизиб калунси дуббуцари бурцуци адатасили ил бехъес ихтияр агара, деклардеш агара ил гелайзи архлебухили чебирцусил (сабаб агарли уббатурси), яра гурлис чербуцес вирусил (сабаб лебли уббатурси. Эгер адам шала шикъидиачи шаригъят хясибли асубирарути гъуйчи дураухъалли, сабира 82,5 км-личиб имцлаци, ва гъуйчиб гелайзи архлебухили дуббуцари бурцуци виалли, илис дуббуцари бехъес асубирарути, гурлис чербуцес вирусил дуббуцари бурцуци виалли, сапар (архля) багъандан бехъес асубирарути. («Муни ал-Мухтадж»).




Бусурман ахлени (капур) адам дуббуцали, илала дуббуцари бархъив?

– Бусурман ахлени адатас яра муртадла (дин лайбакибси) дуббуцари гъарли-марси ахлен. Амма бусурман ахлени адатас (капурли) ислам дин къабулбаралли, илини куфрулизивхилели дархъдатурти дуббуцари чердуцес черти ахлен, муртадлис биалли, сагадан ислам къабулбаривхилели, сунени дин бархъатурхилели уркалунти дуббуцари чердуцес черти сари. («Фатх-ул-Аллам»).




Суннатла дуббуцари се бархи буцалли гяхли бирару, итни бархи яра хамис?

– Итни ва хамис бурхназив дуббуцали, пайдаласи саби, сенкун нушала Идбагра ﷺ илди бурхназив дуббурцусири. Ил виклусири: «Илди бурхназив Аллагълизи арагълеби сипатдарили (дигъян-хъяшти датурли) адатас баркъудлуми чедихъути сари. Наб дигулра дила баркъудлуми Аллагълизи ну дуббуцибхилели чедихъили». Эгер адам илди клелра бурхназивад ца бархи дуббурцали, итни бархи дуббуцали гяхли саби, сенкун Идбагра ﷺ. Билаллизи ибсири: «Хуни итни бархи дуббуцари мабалтад, сенкун ну итни бархи аклубсира, расул къяйдали итни бархи вархъибсира ва гямурилизивадра итни бархи аркъяс» (Муни ал-мухтадж).



Гъижрала чумъибил дуслизиб чеблибуисри бетаурсив дуббуцари?

– Чевяхъиси Аллагъли нушала умматлис дуббуцари гъижра хясибли клиибил дуслизиб хъарбаривсири. (Фатх-ул-Аллам»).



Нушала Идбагра ﷺ Рабазан баз чум дус дуббуцари дуцибу?

– Нушала Идбагра ﷺ 9 дус Рабазан баз дуббуциб, ца дусун 30 бархи, цархилти 30 бархиличир камли.



Жумяг бархи дуббуцес асубирару?

– Жумяг бархи декларбарили суннатла дуббуцари буцес карагъат саби (асубирару), амма жумяг бархиличил барх хамис, сут бурхназивра дуббуцали, балхлебикибдеш агара. Эгер адатас жумяг бархи бикайчи ца бархи ургаб батурли дуббурцнила гядат лебси биалли, ва яргаличлиси дуббуцари жумяг бархи баклалли, жумяг бархи дуббурцнилизиб балхлебикибдеш агара. Илкъяйдали хаслира жумяг бархи калунси дуббуцари, назру-дуббуцари, капуртла дуббуцари дурцали, яра жумяг бархи даклалли Гярапала, Гяшурала ва ц. бурхли ишаб дуббуцнила балхлебикибдеш агара.



Бусурман адатас чум дус виубхейчивадат хъарсив дуббурцес?

– Бусурмантас балугъла биубхейчивадал дехибала дирес ва дуббуцари дурцес хъарти сари. Балугъдеш хлбаибти дурхназ я дуббуцари я дехибала хъарти ахлен, амма бегтани илдази дехибала дирахъес ва дуббуцари дурцахъес чебси саби илди 7 дус биубхилели, чула илди дарес ахъри лебли биалли. Илдани дуббуцари хлбурцули я дехибала хледирули биалли, бегтазиб илди танбихлабарес (шаригъятли кадизахъурти дасурби хясибли) ихтияр леб. Илкъяйда хъунура дехибала хледирули я дуббуцари хлбурцули риалли, мурулли ил лерилра секлал дирахъес гягъисли сари.



Эгер нуни дуббуцари датурли виасли, ва илди пайдалати бурхназив, масала, итни, хамис, Гярапала бархи ва ц. чердуцес дигули виасли, илди бурхназив нуни суннатла дуббуцарлисра чеимцлаци шабагъат (кери) касес вирусил?

– Адатас пайдаласи бархи, масала, итни, хамис, Гярапала бархи, Шягбан баз ва ц. дуббуцари черихъули виалли, илини калунси дуббуцари чебихъули сай, суннатла дуббуцарлисгуна шабагъатра кайсули сай. Ил пикри ал-Хатибала ва ар-Рамалила саби, ибну Хияжар биалли виклули сай, суннатла дуббуцарлисгуна шабагъат (кери) кайсу илини, чянкли суннатла дуббуцарлисра нигет баралли или. («Фатх-ул-Аллам»).

Рузнама

ОКТАБРЬ

дни	Утренний Ас-Субхл.	восх.	Обеден. Аз-Зугър	После-обеден. Аль-гласр	Вечерн. Аль-Магъриб	Ночной Аль-гъишав
1	5.07	6.44	12.39	15.56	18.36	20.00
2	5.08	6.45	12.38	15.54	18.34	19.58
4	5.11	6.47	12.37	15.51	18.30	19.54
6	5.13	6.50	12.37	15.49	18.26	19.51
8	5.16	6.52	12.36	15.47	18.23	19.47
10	5.18	6.55	12.35	15.44	18.19	19.43
12	5.20	6.57	12.35	15.41	18.15	19.40
14	5.22	6.59	12.35	15.39	18.13	19.38
16	5.25	7.01	12.34	15.37	18.09	19.35
18	5.27	7.03	12.34	15.34	18.06	19.31
20	5.29	7.06	12.34	15.32	18.03	19.28
22	5.31	7.08	12.3	15.30	18.00	19.25
24	5.33	7.11	12.33	15.28	17.57	19.22
26	4.35	6.13	11.33	14.26	16.55	18.20
28	4.37	6.15	11.33	14.24	16.52	18.18
30	4.39	6.18	11.33	14.22	16.50	18.16

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ

заместитель муфтия РД Мухаммад ДАВУДОВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор-стилист

Патимат СУЛЕЙМАНОВА

Верстка

Лейла ГУСЕЙНОВА

Ахмед МАГОМЕДОВ

Набор

Гульнара АБДУЛАЕВА

Менеджер

Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г. Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 14 сентября 2009 г.

Тираж 4200 экз.

Адрес редакции

367015, РД, г. Махачкала, ул. М. Ярагского, 128. Тел.: (8722) 61-00-64.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com; www.assalam.ru